

2022 彰化詩歌節—小小詩人經典會考簡章

一、活動宗旨：

- (一) 培育兒童背誦唐詩，啟發兒童多元智能與潛能，鼓舞勤學讀書風氣。
- (二) 傳衍中華傳統文化，深化學子人文素養及涵蘊文化深度優質國民。

二、指導單位：彰化縣政府

三、主辦單位：彰化縣文化局

四、會考日期/時間：5 月 28 日(六)

場次	時間
第一場	10:30-12:00
第二場	14:00-15:30

五、會考地點：孔子廟(500 彰化縣彰化市孔門路 30 號)

六、參加對象：凡設籍彰化縣或就讀彰化縣公、私立幼兒園、國小學生均可報名參加。(2 人一組，組隊參加，依報名順序取 50 隊)

七、活動及會考說明：

(一) 報名：

線上報名：(網址 <https://reurl.cc/RjNyLn>)

報名日期：4/25 上午 10:00 開放線上報名，額滿截止



(二) 報到：

每梯次會考時間前半小時至會考地點完成報到，未事先報名者，恕不受理現場報名。

(三) 會考科目：

主辦單位提供之 100 首唐詩(前 5 首為背誦唐詩)。

(四) 會考方式：

從 100 首唐詩隨機抽題，一律以口試評鑑。

(五) 獎勵辦法：

1. 狀元：完整回答出 30 首唐詩接龍、1 首唐詩作者及 1 首背誦，每組每名現場頒發團體獎狀乙紙及宣導品乙份。
2. 榜眼：完整回答出 20 首唐詩接龍、1 首背誦，每組每名現場頒發團體獎狀乙紙及宣導品乙份。
3. 探花：完整回答出 10 首唐詩接龍、1 首背誦，每組每名現場頒發團體獎狀乙紙及宣導品乙份。



小小詩人經典會考100首唐詩

序號	作者	詩題	詩歌
1	李白	黃鶴樓送孟浩然之廣陵	故人西辭黃鶴樓，煙花三月下揚州。 孤帆遠影碧空盡，惟見長江天際流。
2	柳宗元	江雪	千山鳥飛絕，萬徑人蹤滅。 孤舟蓑笠翁，獨釣寒江雪。
3	李白	早發白帝城（下江陵）	朝辭白帝彩雲間，千里江陵一日還。 兩岸猿聲啼不住，輕舟已過萬重山。
4	王維	相思	紅豆生南國，春來發幾枝？ 願君多采擷，此物最相思。
5	李白	靜夜思	床前明月光，疑是地上霜。 舉頭望明月，低頭思故鄉。
6	李白	獨坐敬亭山	眾鳥高飛盡，孤雲獨去閒。 相看兩不厭，只有敬亭山。
7	李白	秋浦歌十七首（其十五）	白髮三千丈，緣愁似個長。 不知明鏡裏，何處得秋霜。
8	李白	登金陵鳳凰臺	鳳凰臺上鳳凰遊，鳳去臺空江自流。 吳宮花草埋幽徑，晉代衣冠成古丘。 三山半落青天外，二水中分白鷺洲。 總為浮雲能蔽日，長安不見使人愁。
9	李商隱	登樂遊原	向晚意不適，驅車登古原。 夕陽無限好，只是近黃昏。
10	王之渙	涼州詞	黃河遠上白雲間，一片孤城萬仞山。 羌笛何須怨楊柳？春風不度玉門關。
11	杜甫	江南逢李龜年	岐王宅裡尋常見，崔九堂前幾度聞。 正是江南好風景，落花時節又逢君。
12	李商隱	夜雨寄北	君問歸期未有期，巴山夜雨漲秋池。 何當共翦西窗燭，卻話巴山夜雨時。
13	李商隱	嫦娥	雲母屏風燭影深，長河漸落曉星沈。 嫦娥應悔偷靈藥，碧海青天夜夜心。
14	賀知章	回鄉偶書	少小離家老大回，鄉音無改鬢毛催。 兒童相見不相識，笑問客從何處來。
15	劉禹錫	烏衣巷	朱雀橋邊野草花，烏衣巷口夕陽斜。 舊時王謝堂前燕，飛入尋常百姓家。

序號	作者	詩題	詩歌
16	王維	九月九日憶山東兄弟	獨在異鄉為異客，每逢佳節倍思親。 遙知兄弟登高處，遍插茱萸少一人。
17	王翰	涼州曲	葡萄美酒夜光杯，欲飲琵琶馬上催。 醉臥沙場君莫笑，古來征戰幾人回。
18	杜牧	秋夕	銀燭秋光冷畫屏，輕羅小扇撲流螢。 天階夜色涼如水，臥看牽牛織女星。
19	王維	鹿柴	空山不見人，但聞人語響。 返景入深林，復照青苔上。
20	王之渙	登鸛鵲樓	白日依山盡，黃河入海流。 欲窮千里目，更上一層樓。
21	王建	新嫁娘	三日入廚下，洗手作羹湯。 未諳姑食性，先遣小姑嘗。
22	王維	竹里館	獨坐幽篁裡，彈琴復長嘯。 深林人不知，明月來相照。
23	王維	送別	山中相送罷，日暮掩柴扉。 春草明年綠，王孫歸不歸。
24	李白	送友人	青山橫北郭，白水繞東城。 此地一為別，孤蓬萬里征。 浮雲遊子意，落日故人情。 揮手自茲去，蕭蕭班馬鳴。
25	王維	雜詩	君自故鄉來，應知故鄉事。 來日綺窗前，寒梅著花未？
26	白居易	問劉十九	綠蟻新醅酒，紅泥小火爐。 晚來天欲雪，能飲一杯無？
27	西鄙人	哥舒歌	北斗七星高，哥舒夜帶刀。 至今窺牧馬，不敢過臨洮。
28	李白	怨情	美人捲珠簾，深坐顰蛾眉。 但見淚痕濕，不知心恨誰。
29	李頻	渡漢江	嶺外音書絕，經冬復歷春。 近鄉情更怯，不敢問來人。
30	杜甫	八陣圖	功蓋三分國，名成八陣圖。 江流石不轉，遺恨失吞吳。
31	孟浩然	宿建德江	移舟泊煙渚，日暮客愁新。 野曠天低樹，江清月近人。

序號	作者	詩題	詩歌
32	孟浩然	春曉	春眠不覺曉，處處聞啼鳥。 夜來風雨聲，花落知多少。
33	李白	月下獨酌	花間一壺酒，獨酌無相親。 舉杯邀明月，對影成三人。 月既不解飲，影徒隨我身。 暫伴月將影，行樂須及春。 我歌月徘徊，我舞影零亂。 醒時同交歡，醉後各分散。 永結無情遊，相期邈雲漢。
34	李白	渡荊門送別	渡遠荊門外，來從楚國游。 山隨平野盡，江入大荒流。 月下飛天鏡，云生結海樓。 仍憐故鄉水，萬里送行舟。
35	韋應物	秋夜寄邱員外	懷君屬秋夜，散步詠涼天。 空山松子落，幽人應未眠。
36	祖詠	終南望餘雪	終南陰嶺秀，積雪浮雲端。 林表明霽色，城中增暮寒。
37	張祜	宮詞	故國三千里，深宮二十年。 一聲何滿子，雙淚落君前。
38	賈島	尋隱者不遇	松下問童子，言師採藥去。 只在此山中，雲深不知處。
39	裴迪	送崔九	歸山深淺去，須盡邱壑美。 莫學武陵人，暫游桃源裡。
40	劉長卿	送靈澈	蒼蒼竹林寺，杳杳鐘聲晚。 荷笠帶斜陽，青山獨歸遠。
41	劉長卿	彈琴	泠泠七絃上，靜聽松風寒。 古調雖自愛，今人多不彈。
42	王維	山居秋暝	空山新雨後，天氣晚來秋。 明月松間照，清泉石上流。 竹喧歸浣女，蓮動下漁舟。 隨意春芳歇，王孫自可留。
43	白居易	賦得古原草送別	離離原上草，一歲一枯榮。 野火燒不盡，春風吹又生。 遠芳侵古道，晴翠接荒城。 又送王孫去，萋萋滿別情。

序號	作者	詩題	詩歌
44	王維	歸嵩山作	清川帶長薄，車馬去閒閒。 流水如有意，暮禽相與還。 荒城臨古渡，落日滿秋山。 迢遞嵩高下，歸來且閉關。
45	杜甫	春望	國破山河在，城春草木深。 感時花濺淚，恨別鳥驚心。 烽火連三月，家書抵萬金。 白頭搔更短，渾欲不勝簪。
46	杜甫	旅夜書懷	細草微風岸，危檣獨夜舟。 星垂平野闊，月湧大江流。 名豈文章著，官應老病休。 飄飄何所似，天地一沙鷗。
47	李商隱	無題	相見時難別亦難，東風無力百花殘。 春蠶到死絲方盡，蠟炬成灰淚始乾。 曉鏡但愁雲鬢改，夜吟應覺月光寒。 蓬萊此去無多路，青鳥殷勤為探看。
48	崔顥	黃鶴樓	昔人已乘黃鶴去，此地空餘黃鶴樓。 黃鶴一去不復返，白雲千載空悠悠。 晴川歷歷漢陽樹，芳草萋萋鸚鵡洲。 日暮鄉關何處是，煙波江上使人愁。
49	王維	送別	下馬飲君酒，問君何所之？ 君言不得意，歸臥南山陲。 但去莫復問，白雲無盡時。
50	李白	下終南山遇斛斯山人宿置酒	暮從碧山下，山月隨人歸。 卻顧所來徑，蒼蒼橫翠微。 相攜及田家，童稚開荆扉。 綠竹入幽徑，青蘿拂行衣。 歡言得所憩，美酒聊共揮。 長歌吟松風，曲盡河星稀。 我醉君復樂，陶然共忘機。
51	杜甫	贈衛八處士	人生不相見，動如參與商。 今夕復何夕，共此燈燭光。 少壯能幾時，鬢髮各已蒼。 訪舊半為鬼，驚呼熱中腸。 焉知二十載，重上君子堂。 昔別君未婚，兒女忽成行。 怡然敬父執，問我來何方。 問答乃未已，驅兒羅酒漿。 夜雨剪春韭，新炊間黃粱。 主稱會面難，一舉累十觴。 十觴亦不醉，感子故意長。 明日隔山岳，世事兩茫茫。

序號	作者	詩題	詩 歌
52	李白	金陵酒肆留別	風吹柳花滿店香，吳姬壓酒勸客嘗。 金陵子弟來相送，欲行不行各盡觴。 請君試問東流水，別意與之誰短長。
53	杜秋娘	金縷衣	勸君莫惜金縷衣，勸君惜取少年時。 花開堪折直須折，莫待無花空折枝。
54	王昌齡	塞上曲	蟬鳴桑樹間，八月蕭關道。 出塞復入塞，處處黃蘆草。 從來幽并客，皆向沙場老。 莫作游俠兒，矜誇紫騮好。
55	王昌齡	塞下曲	飲馬渡秋水，水寒風似刀。 平沙日未沒，黯黯見臨洮。 昔日長城戰，咸言意氣高。 黃塵足今古，白骨亂蓬蒿。
59	李白	玉階怨	玉階生白露，夜久侵羅襪。 卻下水晶簾，玲瓏望秋月。
57	孟郊	遊子吟	慈母手中線，遊子身上衣。 臨行密密縫，意恐遲遲歸。 誰言寸草心，報得三春暉？
58	李白	子夜春歌	秦地羅敷女，採桑綠水邊。 素手青條上，紅妝白日鮮。 蠶饑妾欲去，五馬莫留連。
59	李白	子夜夏歌	鏡湖三百里，菡萏發荷花。 五月西施採，人看隘若耶。 回舟不待月，歸去越王家。
60	李白	子夜秋歌	長安一片月，萬戶擣衣聲。 秋風吹不盡，總是玉關情。 何日平胡虜，良人罷遠征。
61	李白	子夜冬歌	明朝驛使發，一夜絮征袍。 素手抽鍼冷，那堪把剪刀。 裁縫寄遠道，幾日到臨洮。
62	崔顥	長干行	君家何處住？妾住在橫塘。 停船暫借問，或恐是同鄉。 家臨九江水，來去九江側。 同是長干人，生小不相識。
63	陳子昂	登幽州臺歌	前不見古人，後不見來者。 念天地之悠悠，獨愴然而涕下。
64	王之渙	出塞	黃河遠上白雲間，一片孤城萬仞山。 羌笛何須怨楊柳，春風不度玉門關。

序號	作者	詩題	詩 歌
65	王昌齡	出塞	秦時明月漢時關，萬里長征人未還。 但使龍城飛將在，不教胡馬度陰山。
66	王維	渭城曲	渭城朝雨浥輕塵，客舍青青柳色新。 勸君更盡一杯酒，西出陽關無故人。
67	李白	關山月	明月出天山，蒼茫雲海間。 長風幾萬里，吹度玉門關。 漢下白登道，胡窺青海灣。 由來征戰地，不見有人還。 戍客望邊色，思歸多苦顏。 高樓當此夜，歎息未應閒。
68	李白	將進酒	君不見黃河之水天上來，奔流到海不復回， 君不見高堂明鏡悲白髮，朝如青絲暮成雪。 人生得意須盡歡，莫使金樽空對月。 天生我材必有用，千金散盡還復來。 烹羊宰牛且為樂，會須一飲三百杯。 岑夫子，丹邱生， 將進酒，杯莫停。 與君歌一曲，請君為我傾耳聽。 鐘鼓饌玉不足貴，但願長醉不願醒。 古來聖賢皆寂寞，唯有飲者留其名。 陳王昔時宴平樂，斗酒十千恣歡謔。 主人何為言少錢，徑須沽取對君酌。 五花馬，千金裘， 呼兒將出換美酒，與爾同消萬古愁。
69	李白	清平調	雲想衣裳花想容，春風拂檻露華濃。 若非群玉山頭見，會向瑤臺月下逢。 一枝紅豔露凝香，雲雨巫山枉斷腸。 借問漢宮誰得似，可憐飛燕倚新妝。 名花傾國兩相歡，長得君王帶笑看。 解識春風無限恨，沈香亭北倚闌干。
70	盧綸	塞下曲	鶯翎金僕姑，燕尾繡蝥弧。 獨立揚新令，千營共一呼。 林暗草驚風，將軍夜引弓。 平明尋白羽，沒在石稜中。 月黑雁飛高，單于夜遁逃。 欲將輕騎逐，大雪滿弓刀。 野幕蔽瓊筵，羌戎賀勞旋。 醉和金甲舞，雷鼓動山川。
71	杜甫	贈花卿	錦城絲管日紛紛，半入江風半入雲。 此曲只應天上有的，人間能得幾回聞。
72	宋之問	渡漢江	嶺外音書絕，經冬復歷春。 近鄉情更怯，不敢問來人。
73	孟浩然	過故人莊	故人具雞黍，邀我至田家。 綠樹村邊合，青山郭外斜。 開軒面場圃，把酒話桑麻。 待到重陽日，還來就菊花。

序號	作者	詩題	詩 歌
74	王維	終南別業	中歲頗好道，晚家南山陲。 興來每獨往，勝事空自知。 行到水窮處，坐看雲起時。 偶然值林叟，談笑無還期。
75	王翰	涼州詞	葡萄美酒夜光杯，欲飲琵琶馬上催。 醉臥沙場君莫笑，古來征戰幾人回？
76	張繼	楓橋夜泊	月落烏啼霜滿天，江楓漁火對愁眠。 姑蘇城外寒山寺，夜半鐘聲到客船。
77	韓翃	寒食	春城無處不飛花，寒食東風御柳斜。 日暮漢宮傳蠟燭，輕煙散入五侯家。
78	李紳	憫農詩	鋤禾日當午，汗滴禾下土。 誰知盤中飧，粒粒皆辛苦。
79	元稹	離思五首·其四	曾經滄海難爲水，除卻巫山不是雲。 取次花叢懶回顧，半緣修道半緣君。
80	杜牧	泊秦淮	煙籠寒水月籠沙，夜泊秦淮近酒家。 商女不知亡國恨，隔江猶唱後庭花。
81	杜牧	清明	清明時節雨紛紛，路上行人欲斷魂。 借問酒家何處有？牧童遙指杏花村。
82	杜牧	贈別	多情卻似總無情，唯覺樽前笑不成。 蠟燭有心還惜別，替人垂淚到天明。
83	李商隱	無題	昨夜星辰昨夜風，畫樓西畔桂堂東。 身無綵鳳雙飛翼，心有靈犀一點通。 隔坐送鉤春酒暖，分曹射覆蠟燈紅。 嗟余聽鼓應官去，走馬蘭臺類斷蓬。
84	羅隱	自遣	得即高歌失即休，多愁多恨亦悠悠。 今朝有酒今朝醉，明日愁來明日愁。
85	王維	終南山	太乙近天都，連山接海隅。 白雲回望合，青靄入看無。 分野中峯變，陰晴衆壑殊。 欲投人處宿，隔水問樵夫。
86	王維	酬張少府	晚年唯好靜，萬事不關心。 自顧無長策，空知返舊林。 松風吹解帶，山月照彈琴。 君問窮通理，漁歌入浦深。
87	王維	過香積寺	不知香積寺，數裏入雲峯。 古木無人徑，深山何處鐘。 泉聲咽危石，日色冷青松。 薄暮空潭曲，安禪製毒龍。
88	王維	送梓州李使君	萬壑樹參天，千山響杜鵑。 山中一夜雨，樹杪百重泉。 漢女輸幢布，巴人訟芋田。 文翁翻教授，不敢依先賢。

序號	作者	詩題	詩 歌
89	王維	漢江臨泛	楚塞三湘接，荊門九派通。 江流天地外，山色有無中。 郡邑浮前浦，波瀾動遠空。 襄陽好風日，留醉與山翁。
90	孟浩然	望洞庭湖贈張丞相	八月湖水平，涵虛混太清。 氣蒸雲夢澤，波撼岳陽城。 欲濟無舟楫，端居恥聖明。 坐觀垂釣者，徒有羨魚情。
91	孟浩然	與諸子登峴山	人事有代謝，往來成古今。 江山留勝蹟，我輩復登臨。 水落魚梁淺，天寒夢澤深。 羊公碑字在，讀罷淚沾襟。
92	孟浩然	歲暮歸南山	北闕休上書，南山歸敝廬。 不才明主棄，多病故人疏。 白髮催年老，青陽逼歲除。 永懷愁不寐，鬆月夜窗虛。
93	孟浩然	秦中感秋寄遠上人	一丘常欲臥，三徑苦無資。 北土非吾願，東林懷我師。 黃金燃桂盡，壯志逐年衰。 日夕涼風至，聞蟬但益悲。
94	孟浩然	宿桐廬江寄廣陵舊遊	山暝聞猿愁，滄江急夜流。 風鳴兩岸葉，月照一孤舟。 建德非吾土，維揚憶舊遊。 還將兩行淚，遙寄海西頭。
95	孟浩然	早寒江上有懷	木落雁南度，北風江上寒。 我家襄水曲，遙隔楚雲端。 鄉淚客中盡，孤帆天際看。 迷津欲有問，平海夕漫漫。
96	元稹	行宮	寥落古行宮，宮花寂寞紅。 白頭宮女在，閒坐說玄宗。
97	劉長卿	送上人	孤雲將野鶴，豈向人間住。 莫買沃洲山，時人已知處。
98	韋應物	滁州西澗	獨憐幽草澗邊生，上有黃鸝深樹鳴。 春潮帶雨晚來急，野渡無人舟自橫。
99	劉禹錫	春詞	新妝宜面下朱樓，深鎖春光一院愁。 行到中庭數花朵，蜻蜓飛上玉搔頭。
100	李商隱	賈生	宣室求賢訪逐臣，賈生才調更無倫。 可憐夜半虛前席，不問蒼生問鬼神。